



M
S. 920^{3a} 4^o 2

9
2

G. q. 106. a.

VIRO
 PRAENOBILISSIMO DOCTISSIMO
 FRIDERICO LVDOVICO
 SCHMVTZIO,

PRAECEPTORI PAEDAGOGII BERGENSIS
 LONGE MERITISSIMO,

ELEGIA HAC
 VLTIMVM HONOREM PRAESTANT
 ORDINIS SECVNDI IN PAEDAGOGIO
 BERGENSI CIVES.

MAGDEBVRGI,
 LITTERIS CHRISTIANI LEBERECHE FABRI, PRIV. TYP.
 M DCC XXXIV.

AK



Qui tristes planctus! iterumne stat atra cu-
pressus?
Stat, simul & fletus indicat illa novus.
Flebile circumdant & lamentabile funus

Lugubres tædæ funereæque faces.

Ossa cinisque iacent, & mortis tristis imago

Vndique terribili cuncta timore replet.

Iamque pauent, trepidantque metu quoque pe-
ctora firma,

Nec immota manet mens dedicata Deo.

Nondum etenim plenis expleuit cornibus orbem
Præcipiti cursu pallida Luna suo:

En! iam continuo tria corpora febre maligna
Anguntur subito, mox anima que carent.

Sed quæ vos, focii, quæ tristia corda fatigant
Curæ? Non pereunt, qui cito cæla petunt.

O obitum dulcem! quæ iam spectacula læta
Se sistunt animo, dum tua fata colunt,
PRAECEPTOR CELEBRANDE pia nunc
laude beatus,
Collegæ tristes, mæstaque cuncta schola.
Quæ vero miseris possunt solatia nobis
Iam meliora dari, quam data dicta *TVA?*
Adstitimus lecto stupidi, diuinaque verba
Haufimus arrectis auribus ore sacro.
Vatis namque instar noras oracula Christi
Suauia dulcisono tuncque referre modo.
Spiritus ipse Dei, Christi *TIBI* vulnera monstrat,
Ipse oculos aperit, cordaque sancta replet.
Vultus amore pio radiat, sacroque quiescis
In gremio Christi, suaueque nectar amas.
Iam recreant fessum pectus cælestia dona,
Iam reficit viua Christus aqua ora *TVA*.
Sic, sic horridulæ mortis conamina vincis,
Sic recubas felix fronde sub arborea.
Hic æstus omnes vitas trucesque dolores,
Subque casa viridi nunc habitare putas.
Non secus ac quondam cum Christo in monte
Iacobus
Atque Petrus, cogitant figere mente casam.

Sicque toro refides arctis complexibus hærens

Ipius Christi, deliciasque capis.

Iesus dulcis amor, Iesus mea sola voluptas:

Sic ait, & cunctis omnia læta refert.

Hinc pia mens properat mediis nunc ire triumphis

Ad sacras arces, ad patriasque domus.

Non horror non terror agit morientia membra,

Tranquilla placide ex corpore mente migrat.

Nos stupefacto animo magna comitante caterua

TE sequimur precibus dum noua templa vides.

O genus attonitum gelidæ formidine mortis!

Morte carent animæ, vita beata manet.

Iam *TIBI* defuncto pia verba precantia dicunt

Discipuli mœsti, suspiciuntque manes.

Corpus humo gelidum iaceat grateque quiescat:

In gremio Christi mens liberata cubet.



78 M 350

ULB Halle 3
001 592 122



56.

Petro V







VIRO
LISSIMO DOCTISSIMO
CO LVDOVICO
MVTZIO,

PAEDAGOGII BERGENSIS
GE MERITISSIMO,

ELEGIA HAC
M HONOREM PRAESTANT

VNDI IN PAEDAGOGIO
RGENSI CIVES.

MAGDEBVRGI,
TIANI LEBERECHT FABRI, PRIV. TYP.
M DCC XXXIV.

AK

